

廟御製

[illegible]

Carpenter

仁廟御製

批荅附

仁廟行狀磨勘時

王大妃以御製草八幅下之即

仁廟少日為世子時所製詩文

其箋文曰世子臣某恭遇 誕辰不勝慶忭謹

奉箋稱賀者伏以

電繞星樞合千齡之熙運虹流華渚昌萬福之宏休
賀溢朝臣歡均黎庶恭惟

仁廟 在舊北名
主上殿下堯仁舜哲湯敬禹勤膺曆數而在躬垂衣
裳以致治惟天為大宜蕩蕩之難名如日斯升固輝
輝之徧照伏念臣猥將庸質叨側諸闈端遇昌辰願
獻嵩恒之壽祇成喜頌徒陳犬馬之懷

進

中廟誕日詩曰

誕彌佳節屆重協太平年五色卿雲裏百工抱笏前
頌聲盈廣宇壽暉薦華筵此日欣遭遇祝祺似泰巔

金麟厚集 孝陵在東宮時於 大殿誕日有
御製律詩謹拜和之 龍飛四十載 鵠立兩三年
春色銀觴裏 烟華 玉殿前 煌煌瞻 御座
穆穆侍 經筵無復隨 弓劒如今雪滿巔

進

大殿春帖字曰

葭管飛灰節三陽協聖時 君心唯有正天道亦無
私瑞霧青空繞華幡紫闥垂微臣逢令節祈美自能
知

臘盡春回斗轉東三陽佳節又來通祥雲靄靄金闕

上瑞日輝輝玉殿中青韭盤盤香政動銀幡處處燦
相同太平 聖代明良際但祝吾 王壽極崇

又

堯庭開瑞莢舜殿藹禎雲禁苑韶光滿龍池化日分

又

令節臣民歌頌齊祥雲遍繞殿東西深仁千載超唐

漢 聖德難濡一筆題

杓指東方節號新風雲佳會是良辰樓邊浮舞榭書

鳳苑裏遊嘶葆德麟白雪將殘知送臘青芽欲吐覺
迎春年年每被殊恩渥祝福端宜駕劣身

又

木德方臨日卿雲繞碧空堯衢舍哺裏舜殿獻歌中
彩燕搖因節粧幡動應風君臣相慶會眉壽享吾
東

春入宮中晝漏長呈祥獻瑞徧無方微臣更遇三陽
節敬進椒醪滿玉觴

臘殘逢令節，泰氣協明時。臣庶齊聲祝，應知萬壽遲。

又進

中殿春帖字曰

令節宮庭寶露從知，聖如本虛謙祥爐周繞金樓裏瑞旭長昭玉殿簷禁苑梅枝思皓潔御溝柳樹欲黃纖微音遠播窮閭巷澤被凡彙巨興尖。

暖律回佳節，東風入殿邊。治闈追如德，補袞邁姜賢。遐福應如岳，佳祥亦似川。菜芽新甲拆，知是孟春天。

又

喜遇佳辰祝壽長
祥曦照殿動清光
闕睢允續周家
妣懿德從闡達四方

苑上條風暢殿頭
瑞霧凝壺儀踰鄧
馬敬想茂禧膺

又

葭管灰飛日韶光
處處生闕睢歌盛
德樛木頌仁聲
柳眼浮金媚梅腮
析玉明微臣逢令
節徒祝永安平
今朝斗覺始陽春
鳳闕龍墀物色新
懿範徽音遐邇

編高呼鼎沸拯臣人

以福城君嶠事上疏

伏以天顯之親一氣之分喘息呼吸相為流通友愛之情自不容已雖或非常之變出於慮外而古之人猶有以恩掩之者也往者嶠之事臣年幼未能詳知其首末然其禍之慘所不忍言妖孽之作雖曰朴氏嶠也焉得以知之竄在遐裔亦云過矣厥後又興大獄母子相踵而死洪礪亦隕杖下變故之極古所罕

聞其於兄弟間為如何耶死者既以已矣而媚之一
女棄在民間與庶人無異孩提之女亦何罪焉此又
痛心者也二翁主年少女子不預其事明矣屬籍亦
絕思之至此不覺流涕由臣一身而兄弟之變至於
如此此臣平日怛懷痛悼者也孟軻有言曰身為天
子弟為匹夫可乎今臣侍居東宮天寵極矣而使
二姊一姪尚班下賤反躬思之顏厚有忸怩仁人之
於兄弟不藏怒焉不宿怨焉親愛之而已如臣者有

何怨怒於兄弟而不得親愛乎至於籩豆之儷飲酒

之飲亦不得和樂且湛則惻然之念益切於中前次

微達是意未蒙允俞更達微衷以瀆聖聰伏願

垂憐焉仁廟幼時有庶母朴氏挾妖術謀欲危仁廟事覺中廟大怒即命竄死而其子媚及

二女亦得罪仁廟及長始知之手為疏以訟其寃中廟乃感而從之外人初不知有疏久而後得見此

疏情辭俱到非上聖德之才曷能及此

中廟大漸時祝天祭文

伏以天鑑孔明有誠必格今某德雖甚涼不足動物

然至於君臣父子之間情義俱到迫切之懷自不容
已惟我主上自前月間得疝苦吟累日不能下氣
僅得下氣熱又為患藥餌之救極盡其力乍寧乍疾
氣候不常彌留至今未有痊愈焚腸熱中呼籲極
天乎天乎今當聖明之時而使憇攝之憂如此其
久苦耶伏願明神冥佑默扶俾上體即寧享壽如
岡焉居高聽卑其理昭然肆竭悃敢薦香幣伏惟
尚歆

中廟昇遐親製祭文

天地覆載品物以生父母顧復子支以成一髮一膚
皆有所受自孩至長養專且久凡有血氣其孰無是
矧臣昏塞倍荷天賜生未浹旬奄棄慈侍零丁無
護殆不可遂雨露曲霑獲保殘軀叨侍青宮恩眷卓
殊進趨龍庭每接玉音揆分難堪倍殫葵心方
期岡陵永享無疆何料一夕遽罹大殃未半舜齡天
何茫茫罔極之慟摧骨熏腸日月荏苒因山已卜只

憑几遙亦將難覩天長地久怨慕則深聊為菲莫庶
垂俯臨

人彘賦

此亦仁廟所製云似有所寓非偶然製之也

居無何之睡鄉選難名之一物謂獸類而非鬣角在
如人而形多闕髡彫其頭凹陷其目有耳有口無聞

如人或作
人如

無說手斷足喪春蠶茲一肉匍匐而進請陳以臆曰天
地無私稟余大德父生母育變余醜膜賴菲薄之無
疵濫承風於漢宮敬巾擲之是奉勤夙夜而在公知

日月或作之不可微兮寔命之不同綵兮衣兮愧衛

妾之汚莊螽斯說說義周妣之尊王幸扁石之斯履

遺玉體於陋質情雖切於余慈實阿奉其帝骨故復

撫而成長有何心於亂嫡彼稚軀之類已非余或作吾

心之所期且為父而愛子豈須余而後知承天寵之

既渥妾亦知其招親然避盈而辭滿在中人其猶難

矧妾婦之徇人豈敢迓其天顏惟不辭之一責萬被

戮兮無悔謂余心之有他尚未難於易配况廢儲之

言義作口

一事機易運於幽昧在我口之陰囑奈四皓之空對
然怙侈而滅義是天討之所在遂安分而守正矢無
譏於當代君王忽其昇遐酷禍先於帝愛墳未乾於
長陵骨肉血於宮內彼小子兮何如似當作知萬無意於
興廢祇以愛而尤忌積嫌決於一夕既取我子毋毀
我室休蚕織而辭朝併余命而肆毒舉常刑而未校
期設酷以屠戮既去視而蔽聰又鉗舌而除髮支體
分而異處俾屍居於人廁犬豕過猶溺矣人孰不為

之掩鼻衆囂囂而歸咎

或作咎余謂觸禍之

是宜苟余先

出其謀天厭之天厭之所專寵之遠禍非我心之僭

越今雖類於狗彘實君王之所悅昔王樓之同憂豈

暫近於不潔哀三生之命薄極八難之人所望故宮

方何許哀落雨兮不復君王兮既逝弱子兮繼歿顧

微命之獨存有何怙而何託使早得乎殉帝彼怨怒

兮誰施嗟有命不可私兮向九原而莫之追姑延喘

於數目竟貽累於王家豈余身之憚殃痛創業之多

瑕當先帝之愛我豈期我以累德生不補於內政死
猶旋其君惡無面目之見帝生與死兮何皎茫茫萬
古罹此酷者疇幾嗚呼嘻嘻樛木獨秀葛藟何依微
音無嗣小星誰歌選卜失其窈窕國母定於姻婭競
尚美而逞色孰女德之能擇忘母儀於天下恣專房
之邪慾計已堅於取恃義頓絕於尊君身居紫殿行
同東門言之至此面目覷然二女之嬪孰後孰先覩
天之妹其男則百未聞殺一子而元嗣不易也未聞

婦而字
或作之字

除一媵而皇妃益尊也何若人之殘苛計何酷於獨
存心熾移而嬖新雖舊婦而似怨事未舉而反之正
豈必窮其報復丁一人之初陟情莫追兮罔極視昔
日之忿恨慮何存於十一踈者為親怨者為恩一人
之存空使心煩一人之去喜怒誰因先君之思胥勗
寡人有子有孫是從是伏雖所愛之在物宜亦愛而
不喪况天顯之至愛敢須臾而斯忽責遺體之是愛
生彼已兮無別嗟哭夫之末年割所愛而不惜夫之

生兮此憤誰洩夫之死兮所願易得恬夫死而恣行
彼何人斯戮無辜而快心彼何人斯無公事而慘刑
彼何人斯報怨酬私豈在斯時苟無已於罪余竢服
闋而猶未晚且已徃之不咎思一人而自反余雖無
知豈不心感而誠服縱不軌之有謀謀不抑而自抑
有何怙恃生心叛逆然則余無及嗣之禍后免嫉妬
之惡易樹之意未著先君之亂本誰責嗟一念之未
忍致三舉之俱失事極慘於一世名垂穢於竹帛使

九原而可作惟帝其愴惻天何長兮地何久雪是冤
兮無日沉沉漢宮之夜蕭蕭楚雨之秋作刑餘之一
鬼空哭嘯於梁丘言未訖而辭去若涕泣之漣漣尋
翻然而夢覺惟漢史之在前

嘉靖乙巳太學生康惟善等上疏曰謹齋沐剗心百
拜上言于主上殿下伏以士習之於國家所關重
矣士習之正不正而國家之治亂於是判焉故士習
正則趨向定而國家治士習不正則趨向未定而國

家亂為人主者可不思其所以治者而防其所以亂者哉然而其所以正士習之方亦在乎人主之明其好惡以示趨向之道然後在下之人亦有所觀感而知所趨矣顧乃世下俗汚人情莫不以輪九徇俗為之當然故必也拈出時人之目所覩耳所聞者而進退之以明其好惡然後人亦知其好惡之實而識其所依歸也嗟乎當今之士習偷薄久矣可不究其所以偷薄之源而正之乎臣等竊念趙光祖以豪傑之

才從事於聖賢之學風雲際會得遭我先王求治
之誠一心徇國期臻至治邦國不幸奸邪構禍使其
愛君之臣憂國之士并皆齎志長辭而吞恨於九泉
之下有志之士孰不仰天推心泣盡而繼之以血哉
嗚呼先祖之學之正其所傳者有自來矣自少慨然有求道
之志受業於金宏弼宏弼學於金宗直宗直之學傳
於其父臣司藝淑滋淑滋之學傳於高麗臣吉再再之
學得於鄭夢周之門夢周之學實為吾東方之祖則

其學問之淵源類此其平居待人以和接物以誠事
父盡其孝處兄弟極其友研窮益精踐履益篤大本
既立而功利之說不能淫故傷今而慕古貴王而賤
伯公正之心方直之行不渝於金石而可質於神明
則其行已之正類此及其見遇於先王則感先
王愛士之心喜先王待賢之誠以臯夔稷契之業
責其身以二帝三王之治望其君知無不言言無不
盡徒知有其君不知有其身徒知有其國不知有其

家凡古之嘉言善政可行於今者無不建白焉凡今
之賢人吉士可用於時者無不薦用焉古者人生八
歲皆入小學故使初學者學之古者有三物八刑之
制故以藍田呂氏鄉約之法行之古者有賢良方正
直言極諫之科故制為薦舉之試則其事君之誠設
施之方類此其行已之正既如此其設施之方又如
此而先王之倚眷益隆則如鬼如蜮憚邪媚嫉之類
將不得肆志於大陽之下故含沙石張機弩期伺其

隙而一發焉則其不為所中者鮮矣嗚呼南袞沈貞
李沆之罪可勝誅哉袞以媚嫉奸邪之魁而飾以文
墨小技貞沆以貪毒兇巧之徒而聽袞頤指見公論
益張是非益明而賢邪之勢不可以兩立則相與謀
為擯斥之術作為不經之譏黯黯之說蒙惑天聰
中夜起事潛漏西門以驚動之天門九重下情難達
事起倉卒情偽難辨先王不得已而苟從其言初
豈我先王之志哉當是之時大學諸生排闥抗疏

號哭大庭爭囚禁府則光祖之無罪明矣士林之憤
苑極矣幸賴先王之聖明特從末減之科而命之
曰汝等皆以侍從之臣上下同心期見至治汝等之
心非不善也近來處置朝廷之事似為過誤使人心
不平故不得已罪之予之心亦豈安耶然則罪光祖
者豈先王之志哉自是之後儉人植黨布滿要津
目以為偽學為詭激指以為尚奇喜事為變更舊章
凡一時之賔士大夫莫不鋤治而芟刈之噫茲數言

者豈非古今奸黨擠陷賢士之一筭乎尚竒喜事變
更舊章之謗前則司馬光之賢而不得免焉詭激偽
學之謗後則朱熹之聖而不得免焉况今末世奸邪
之無忌憚者欲構賢士之罪則何患無辭哉及我
先王追念光祖等之無罪而將欲為收叙之計則如
來貞沆輩陰嗾尹世貞黃李沃等無賴者數人上書
誣論托以為布衣公論而置之重典世貞李沃之希
世論䟽固無異於徐禧之上書乞斬朱熹而當時之

奸人無有如謝深甫之抵書于地則其狠愎殘忍亦
已甚矣臣等伏聞論命之議一決行路之人莫不涕
泣失聲而哀其無辜則光祖之賢信於人深矣及其
臨死從容顏色不亂但曰愛君如愛父愛國若愛家
又曰白日臨下土昭昭照丹衷則光祖之忠誠天地
之所共監也惜乎以光祖之賢遭先王之聖卒為
憮邪之所構而抱恨入地臣等每念至此不覺拊膺
痛哭也夫以先王之明豈不知光祖之無一毫私

心哉特急於鎮定褒貞輩之情而為此不得已之舉
此豈先王之志哉噫臣民無祿不享遐筭遽有鼎
湖之慟其未及追復光祖者莫非先王之遺悔也
然則今日之責顧不在於殿下乎殿下誠孝自
天愛所親敬所尊凡所以繼志述事者無所不用其
極則獨於光祖可不推先王之初心哉先王末
年上而臺諫侍從下而羣布之士交章爭論欲明光
祖之無罪不為不多而其於疏中率皆循用詭激喜

事之語此豈足以知光祖哉光祖之行已處事平平
正正而指以為詭激喜事者袞貞沆其人也欲以明
光祖之志而反襲譖光祖之說亦淺乎其知光祖也
其曰變更舊章者臣等請有以辨之自古及今法立
而弊必生故三代之時亦有損益之制則損之益之
當與時宜之而所不可改者唯三綱五常而已臣等
未知光祖之所更者其三綱乎其五常乎漢儒董仲
舒之言曰為政而不行甚者必變而更化之先王

之初廢朝之餘習尚存則豈非更化之秋乎當其更
化之時苟非聖人之神化則其所以條教法令之施
豈能無痕迹哉如其有痕迹則習熟見聞以為尋常
之人孰不自駭而自驚哉然則決不可以更化短光
祖也噫媚嫉之害姜斐之罪萬死難酬貞沆雖已伏
罪而不得正其姤罔之罪則不可謂以罪罪之也况
南袞尚以奸魁享榮考終勸懲之道果安在哉忠君
愛國之賢卒陷不測之禍如賢罔上之奸反享富貴

之榮豈不反哉伏願 殿下察光祖之至情念 先

王之遺悔賜祭贈爵一如 先王之於金宏弼鄭汝

昌則士習幸甚國家幸甚嗚呼光祖之追獎固無益

於九泉之朽骨而臣等之所以眷眷於此者正以光

祖實乃吾儒之宗匠也自光祖之死士氣之蕭然久

矣士習之清薄甚矣至于今日正直之風息廉恥之

道喪靡靡成習貪污成風人皆以模稜為貴軟熟為

賢危言者以為狂危行者以為偽諛佞之習有甚於

西京之末一有剛毅正直守道循理之士出於其間
則名之以偽學之流而加以詭激之謗數十年來以
此數字禁錮一國之賢人君子必使之無所容其身
而後已此豈盛世之事而尚忍言之哉今我 殿下
新服厥命四方之民引領拭目以觀新政苟不及此
時明示好惡則奸邪之徒必將彈冠相慶而為善者
怠矣嗟乎當時之士無罪而橫罹者不可勝數而有
如金淨奇遵之死最為誣枉淨遵皆與光祖志同道合

合協力資治及其禍起淨謫錦山遵寧牙山心知其
必死而欲與其母一訣淨告邑宰乞暇覲其母于報
恩而還斯可謂亡命乎遵之母遠隔茂長行不得自
如則登嶺望遠以寓古人陟屺之思有頃而還斯可
謂亡命乎茲二臣者實欲亡命則豈有自還之理乎兩
邑之宰希附袞貞之旨鍛鍊而誣告袞貞乃復攘臂
肆言以為淨遵自謂動法古人而卒乃亡君之命則
其流之所行類若是至乃以是累先祖甚者又以不

軌之名加光祖而蔽錮 聰明可勝痛哉自古小人
之巧飾無所不至以趙汝愚之忠直亦未免於假夢
為符謀為不軌之譖而寃死道中則光祖之情亦可
以此而推之也伏願 殿下痛察而一雪之則不唯
三臣之魂感泣於冥冥之中 先王在天之靈亦且
喜 殿下能盡繼志之道也然而復其職申其枉明
好惡之文也愛其人尚其志明好惡之實也 殿下雖
能復三臣之職苟不察其情而愛其人愛其人而尚

其志則其所以好之者非所謂心誠好之者也雖欲
明所好惡使下之人知所趨向其可能乎此傳所謂
所令反其所好而民不從者也伏願 殿下留神焉
臣等俱以狂簡叨居首善之地耳聞目見慷慨於心
者非日非月矣夫以學校禮義相先之地而群聚講
論者只以科舉利祿為儒者事業不知禮義為何物
學問為何事若有有志之士修身謹行抱經論心者
則群排衆謗目以為道學之邪氣指以為詭激之餘

習相與恠噴而忌嫉之臣等身親見之不勝憤惋
厥所由則莫非已卯之禍有以啓之也噫偽學之黨
一錮一除而趙宋之國脉潛已斷喪茲豈非今日之
殷鑑耶臣等徒能讀古人之書而質質焉不知趨向
之方嘗竊思其所以致此之源而未嘗不流涕於光
祖之死故謹瀝血陳辭伏願 殿下勿以人廢言幸
甚臣等無任懇切之至 荅曰疏意知道此人等事
先王豈偶然計而處之疏再上 荅曰不從之意已

盡言之疏三 手書答曰汝等居首善之地好古而論時疏章三上辭慤義直所學之正何以加此我

先王教育之澤亦可想矣然言之不從有意存焉且大學雖曰公論所在是非之定自有朝廷言是非則得矣期於定是非非諸生事也汝等姑退而更思之於是諸生感泣而退今按聖批曰言之不從有意存焉者蓋三年無改之意隱然於其中此所以說一世之心也○只錄聖批則人必不知其由故並錄康惟善之疏

仁廟御製

批荅附

終

民當記則廣求而不得必於兵亂中失之茲未能並錄

錦山郡開刊

淡允

刻手僧覺梅

幹更長任得允

校正校生梁亢吉

通訓大夫行錦山郡守全州鎮管兵馬同僉節制使_臣李翼賓

行都事_臣金文輔

効忠義宣武_臣資憲太行金羅道觀察使兼都察使兼舊舊節度使兼府書_臣權恢

卷一

目錄

四

同春池
嘉祥縣志
卷一
目錄

嘉祥縣志
卷一
目錄

卷一

木出經王
東風堂
天

山
土

小禽黃
以班
白

一
章

雙子
之
回

時
人

木出經王